

Na osnovu Člana 8. i Člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i Člana 25. tačka 2. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na 25. sjednici održanoj 29. marta 2007. godine, donijelo je

ODLUKU

O OSNIVANJU DRUGOSTEPENE STRUČNE KOMISIJE

Član 1.

Ovom Odlukom osniva se Drugostepena stručna komisija (u daljnjem tekstu: Komisija) za rješavanje po žalbama na prvostepene akte općinskog načelnika i organa i tijela Općinskog vijeća koji su doneseni na osnovu Statuta Općine ili drugih propisa Općinskog vijeća Stari Grad Sarajevo.

SLUŽBENOVINE

Broj 15 ♦ Strana 1014 KANTONA SARAJEVO Četvrtak, 26. aprila 2007.

Član 2.

Komisija ima pet Članova koje imenuje Općinsko vijeće na prijedlog Komisije za izbor i imenovanje iz rada diplomiranih pravnika sa položenim stručnim upravnim ispitom. Mandat Članova Komisije traje koliko i mandat Općinskog vijeća koje ih je imenovalo.

Član 3.

Predsjednika i zamjenika predsjednika Komisije imenuje Općinsko vijeće iz reda
Članova Komisije.

Član 4.

Komisija u svom radu po žalbama meritorno odučuje donošenjem rješenja, a o drugim pitanjima donošenjem zaključka. Komisija u svom radu po žalbama primjenjuje pravila upravnog postupka utvrđena u Zakonu o upravnom postupku.

Član 5.

Rješenja i zaključke Komisije potpisuje predsjednik, a u njegovom odsustvu zamjenik predsjednika. Komisija u svom radu koristi pečat Općinskog vijeća Stari Grad Sarajevo. Administrativno-tehničke poslove za potrebe Komisije obavlja Stručna služba Općinskog vijeća.

Član 6.

Članovi Komisije imaju pravo na naknadu za svoj rad. Visinu naknade utvrđuje Općinsko vijeće na prijedlog Komisije za izbor i imenovanje.

Član 7.

Komisija je dužna da Općinskom vijeću dostavlja tromjesečne informacije o rješavanju po žalbama i da najmanje jedanput godišnje podnese izvještaj o radu u kojem će ukazati na uočene probleme u primjeni općinskih propisa.

Član 8.

Stupanjem na snagu ove Odluke prestaju da važe odredbe općinskih propisa koje su u suprotnosti sa odredbama Člana 1. ove Oduke.

Član 9.

Ova Odluka stupa na snagu danom objavljivanja na oglasnoj tabli Općine Stari Grad Sarajevo, a naknadno će se objaviti u "Službenim novinama Kantona Sarajevo".

Broj 02-49-161/07

29. marta 2007. godine

Sarajevo

Predsjedavajući

Općinskog vijeća

Stari Grad Sarajevo

doc. dr. **Rizah Avdić**, s. r.

[na vrh](#)